



Broj: UP1:01-50-2-1354-1/24
Sarajevo, 25.03.2024. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11, 100/13 i 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Adina Porobića iz Sarajeva za slobodu pristupa informacijama od 12. 3. 2024. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

R J E Š E N J E **o slobodi pristupa informacijama**

Adinu Porobiću iz Sarajeva odobrava se pristup informacijama po zahtjevu od 12. 3. 2024. godine.

O b r a z l o ž e n j e

Adin Porobić iz Sarajeva obratio se 12. 3. 2024. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11, 100/13 i 61/23, u daljnjem tekstu: Zakon).

U zahtjevu je navedeno da se traži pristup informacijama u vezi sa *izdavanjem vozačke dozvole, odnosno uzimanjem otisaka prstiju*.

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 26. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku, informira se podnositelj zahtjeva da je Zakonom o osnovama sigurnosti prometa na cestama u Bosni i Hercegovini („Službeni glasnik BiH“, br. 6/06, 75/06,

44/07, 84/09, 48/10, 18/13, 8/17, 89/17, 9/18, 46/23 i 88/23 u daljnjem tekstu: Zakon) u članu 193. stav (3) propisano da su vozači motornih vozila dužni obavljati redovne zdravstvene preglede, dok se vanrednim zdravstvenim pregledima podvrgavaju na zahtjev nadležnog organa.

Članom 194. stav (1) Zakona propisano je da se zdravstvenim pregledima utvrđuje da li kandidat za vozača ili vozač ima potrebnu fizičku i psihičku sposobnost za upravljanje motornim vozilima.

Također, članom 195. stav (4) Zakona propisano je, između ostalog, da redovnom zdravstvenom pregledu podliježu vozači koji su navršili 65 godina života prilikom svakog produženja vozačke dozvole.

Pravilnik o vozačkoj dozvoli („Službeni glasnik BiH“, br. 09/19 i 57/22, u daljnjem tekstu: Pravilnik) u članu 14. u dijelu koji se odnosi na „Način produženja važenja vozačke dozvole“ propisuje da se produženje važenja vozačke dozvole vrši na zahtjev vozača kod nadležnog organa kod kojeg se vozač vodi u evidenciji.

Produženje vozačke dozvole vrši se izdavanjem nove vozačke dozvole, sa rokovima važenja propisanim članom 10. Pravilnika: „Vozačka dozvola izdaje se sa rokom važenja od 10 godina, a licu starijem od 65 godina života sa rokom važenja od tri godine, računajući od dana izdavanja. Licu koje u vrijeme izdavanja vozačke dozvole ima više od 55 godina života vozačka dozvola izdaje se sa rokom važenja do navršenih 65 godina života, s tim da taj rok ne može biti kraći od tri godine. Izuzetno, vozačka dozvola se može izdati i na rok kraći od prethodno navedenih rokova na osnovu nalaza i mišljenja zdravstvene ustanove naznačenom u uvjerenju o zdravstvenoj sposobnosti lica, a koji ne može biti kraći od dvije godine.“

Uz zahtjev za produženje važenja vozačke dozvole prilaže se vozačka dozvola čiji je rok važenja istekao i dokaz o uplati propisane naknade za obrazac vozačke dozvole.

Vozač motornog vozila kojem je vozačka dozvola izdata sa kraćim rokom važenja, uz zahtjev za produženje važenja vozačke dozvole, mora priložiti uvjerenje o zdravstvenoj sposobnosti za upravljanje motornim vozilom te kategorije ili potkategorije koje ne smije biti starije od šest mjeseci.

Također, članom 9. propisano je da fotografija na vozačkoj dozvoli mora vjerno prikazivati lik imatelja vozačke dozvole (sa lica-an face), bez šešira, kape ili marame. Izuzetno, lice koje iz vjerskih razloga ili prema narodnim običajima nosi šešir, kapu ili maramu može se fotografirati sa šeširom, kapom ili maramom, ali karakteristike lica od početka brade do vrha čela, kao i obje ivice lica moraju biti jasno prikazane.

Napominjemo da u članu 2. koji se odnosi na nadležnost stoji da izdavanje i zamjenu vozačke dozvole vrše i evidenciju vozača vode u Federaciji Bosne i Hercegovine kantonalna ministarstva unutrašnjih poslova, u Republici Srpskoj Ministarstvo unutrašnjih poslova, a u Brčko distriktu Bosne i Hercegovine Odjel za javni registar, na čijem području vozač ima prebivalište, odnosno na čijem području raseljeno lice ima boravište.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Škuletić-Malagić



Dostavljeno:

- Adin Porobić, Žrtava fašizma 7/VI, 71 000 Sarajevo;
- spis predmeta;
- a/a.